

近代中國史料叢刊第六十九輯

沈雲龍主編

蓬廬文鈔

周廣業著

文海出版社有限公司印行

蓬廬文鈔

燕京大學圖書館藏書卷三十一

蓮座文鈔八卷

薛毅題



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



蓬廬文鈔序

耕厓孝廉之卒于今五年矣前歲令嗣虞階紀君兩茂才以行狀索撰傳予衰病未暇握管茲復以文集俾爲之序因即按行狀而序之曰君諱廣業字勤補號耕厓幼慧能文長而博覽羣籍弱冠遊於庠爲名諸生者三十年乾隆戊子中副車癸卯登賢書年已五十矣計偕北上時纂四庫書館闈亟需校勘爭相延致君肆應精詳各鑿所請以去凡卷帙經君寓目者悉成善本見聞日益富著作日益多才名日益盛殆不減震川公車時也君三試禮闈不第倦遊而歸仍授徒武林適大興朱尙書撫安徽素重君舉行招至署中薦掌教廣德書院兼修州志君口講指畫文風丕振志成亦典核勝前州人悅服君有用世才未獲大展夙抱此特其一斑耳君天性孝友慷慨好義勇于有爲凡遇族黨之事有不能舉者輒身任之難以悉數嘉慶丁巳冬因營先世窀穸積勞暴病卒于戊午元旦年六十有九遠近聞而驚悼一時學者咸思讀其詩文仁和朱朗齋爲阮中丞選輯軒錄亟徵詩入選此足見士林推重身後而益彰矣君制藝負盛名闈墨賸矣人口詩出入唐宋抒寫胸臆一以典雅爲宗古文辭元本經史長于考訂其論事之文尤剴切通達曲中情理見者莫不愜心今集中所載是也平生所著已刊行者有孟子四考四卷 文昌通紀九卷 關帝徵信編三十二卷重修廣德州志四十六卷其未刻者尙有讀相臺五經隨筆讀易纂略季漢官爵考古今避名彙考校注馬氏意林兩浙地志錄寧志

餘聞動植小志三餘撫錄自治偶鈔四部寓眼錄諸書不下百餘卷又文集八卷詩集二十六卷並藏于家著述之多吾州前輩談觀若范默庵後所罕覩也自君祖東岡公與先祖澹軒公先後在寧庠締交最契嘗館于家兩伯父並受業焉百餘年來世敦誼故君與予爲竹林之遊然君品行學問實予之畏友也且同有著書之癖君每入城必過予齋互出所著相商權倘有疑義取往復辨論回憶四十餘年如一日也我兩人相知極深何敢以不文辭爰書簡端以答兩茂才之意行見能讀父書表章遺集將必有大顯於世者其以予言爲左券乎是爲序

嘉慶壬戌季夏朔日松鶴叔氏春拜書時年七十有四

蓬廬文鈔序

昔宋羅子蒼有言今之學者不參六經而拾韓柳歐蘇之緒餘筆史者不本春秋而希馬遷班固之近似賦咏者不能三百篇離騷之雅奧而唐人章句之是尋故皆只襲前人脚迹不能專門名家未免爲擔頭看花予讀
因友周畊厓孝廉蓬廬文鈔而深歎其學之博才之膽初不從古人脚迹求生活者蓋君之學以六經爲根柢
子史百家爲枝葉所謂本之固者其實懋是以所著皆體大思精闕深奧衍能發前人所未發集中若周年世
攷纒纒數千言上下古今疏通證明未嘗涉于雷同勦說可謂有裨經術又如史記首黃帝說以爲史記首黃
帝非其本意也觀五帝本紀論及自序再參之封禪書可以知之論云學者多稱五帝尙矣然尙書獨載堯以
來而百家言黃帝其文不雅馴摺紳先生難言之于五帝中提出尙書言堯百家言黃帝抑揚自見自序推本
尙書春秋而曰卒述陶唐以來者明乎刪書斷自唐虞前此宜置勿論今之托始黃帝則以漢臣而作史記義
例當如此也何則漢自高祖起事即祠黃帝于沛庭追孝景之世竇太后好黃老文帝及太子皆篤信黃老然
則黃帝者當代天子所祖述憲章之帝也而作史之年適當太初元年明堂改建諸神受紀之時正用黃帝迎
日推策之法此而不首黃帝不特爲下而倍亦豈臣子將順之道哉故十二紀以今上直接黃帝其先後一揆
也又嘗謂陳承祚作三國志帝魏而主蜀審時度勢亦有不得不然者承祚身爲晉臣晉受魏禪不得不以統

系于魏第取其書反覆諦觀陽若尊魏而陰實予漢其于先主志獨載群臣翼戴武擔祭告皇天后土之文何等堂堂正正所謂雄姿傑出有王霸之略知人待士有高祖之風與夫惡直醜正者不同年語矣特作季漢職官封爵二攷以補司馬紹統續漢志之闕凡此皆其卓見遠識超越前古非拘拘于尋章摘句之士所能望其岸略是以遊歷所至多爲老師宿儒所傾倒而大興朱文正公尤重君品學每爲引薦迨公方正揆席則君已謝世不及預承明著作之任亦其命也夫君平生撰述等身已刊行者僅什之二三其餘各種及詩文集未授梓者尙什之六七藏于家且捐館十餘寒暑喪在南榮未能卜兆以安體魄兩嗣君恒以是爲戚予惟昔者揚子雲以太元法言授弟子侯芭卒侯芭爲之起墓服喪昌黎旣沒門人李漢編傳其遺書世並以爲美談君少孤家貧力學長年客遊四方藉脯脩以供朝夕平生于師友之誼尤篤又安知無好義若侯芭李漢其人而爲之料理者乎爰書之以引其首簡且少慰兩嗣君云爾

嘉慶辛未夏四月兔牀弟吳霽識時年七十又九

奉題

耕厓先生蓬廬文鈔即次

賢嗣竹泉世兄見贈元韵二首

夙侍文昌座如椽夢授之吹噓皆哲匠

謂朱石君吉渭匡
玩芸廬諸先生

著述並吾師

謂松蘿
先生

腹蜜融經史探珠任取

携黃金應鑄像豈僅聞仙詩

大令通蘭譜交君卻恨遲六橋連襪日千佛誦經時

憶癸卯中秋約先生與
湖上時傳誦先生蘭墨謂
必高魁揚瓊果然宿

草頻增感瑤編此見貽鳳毛看濟美定借上林枝

荔園弟張駿拜稿



蓬廬文鈔卷一目錄

策考文

擬鄉飲酒禮問答

擬五音工尺問答

養老考

周年世考

橫山考

桐汭考

水利考

勸省妾婢絕外寵文代

祭朱高菴先生文

哭叔父退翁公文

公祭朱春宇封翁文代

祭馮欽齋三兄文

祭朱母周太孺人文

蓬廬文鈔卷一

海寧周廣業耕厓著

策考文

擬鄉飲酒禮問答

問曰周禮大司徒施十有二教二曰以陽禮教讓則民不爭康成以爲陽禮鄉射飲酒之禮也然則尊賢尚齒隆禮樂之文盛揖遜之容宣教化而厚風俗莫如鄉飲矣古行此禮者其目有四最著者鄉大夫之賓賢能黨正之正齒位其一即鄉射以射必先飲也或遂以爲止此三者說見何書周制王畿有六鄉六遂皆屬地官飲何以專繫于鄉三物賓興及大比禮賢之典皆於鄉行之而遂大夫亦云三年大比帥其吏而興配說者謂如六鄉之爲信歟鄉遂之制同異何若亦可通於諸侯歟王制論選士及簡不帥教者司徒皆以命鄉而又言移郊移遂則郊遂亦有學矣何鄉飲必於庠序也儀禮有鄉飲酒禮一篇注云諸侯之鄉大夫貢士於其君蓋如此唐世餞送鄉貢及宋明以來鹿鳴宴實沿此制與周禮獻賢能之書于王意相合歟黨正會飲于序何以亦稱爲鄉其禮亡佚後世舉行何所法守戴記所載主賓介僕之義與儀禮相發明中有言尊長敬老者即正齒

位之飲二禮所行之地及其人其時其事與夫儀節之詳可臆陳之歟漢晉間有天子躬行鄉飲者所用何禮
千古何所據依月令十月大飲繼以祈年祠臘勞農休息其以此歟唐貞觀六年詔錄鄉飲酒禮一卷頒于天
下令州縣長吏率長幼行之而當時有言貢舉之時略用其儀閭里之間罕通其事何也今其略尙見於唐書
禮樂志果遵古制歟宋淳化間詔有司講求故事更提樂章會否施用所撰何詩明洪武所定儀禮圖式又有
分別三等之法與宋紹興詳定九事稍不同蓋于尙齒之中寓旌別之意故膺是舉者人以爲榮果可徃行之
歟與賢序齒禮同義別其條悉之

答曰禮有六鄉居其一鄉兼飲酒于射而射必先之以飲則鄉飲其尤重也周禮大司徒以陽禮教讓不謂是
歟鄉飲酒之禮有四見於孔頴達禮記正義杜佑通典等書自賓賢能正齒位之外一則州長春秋會民習射
不擇賓而無介即鄉射也一則鄉大夫士飲國中賢者所用之禮則賓主共尊於房戶之間也雖曰習鄉
尙齒而文從其略後世罕見踵行宋史并飲賢去之止有三禮故論飲酒于鄉惟前二者爲最著夫君子之所
謂教者豈必家至而日見之哉示以尊賢之道導以尙齒之義明禮樂隆揖讓政化成于上而風俗厚于下孔
子所由觀於鄉而知王道之易易也顧飲之所以專繫于鄉則固有說矣周禮王畿有六鄉六遂鄉在遠郊之
內五家爲比五比爲閭四閭爲族五族爲黨五黨爲州五州爲鄉鄉得萬二千五百家每鄉一鄉大夫二鄉一

鄉老皆掌之司徒而鄉師分治之其餘州長黨正族師閭胥比長皆鄉吏也司徒以六德六行六藝教萬民而賓興之謂之鄉三物鄉大夫於正月之吉受法於司徒頒諸鄉吏使各教其所治以時攷其德行道藝至三年大比與其賢者能者鄉老及鄉大夫帥其吏與其衆以禮禮賓之厥明獻賢能之書於王所謂禮賓之禮即鄉飲酒之禮也遂在遠郊之外其比伍之法爲鄰里鄩鄙縣遂一遂亦得萬二千五百家遂大夫三歲大比帥吏而與毗鄭氏注謂興其賢者能者如六鄉之爲然大司徒所頒比法祇及六鄉之大夫其受邦國比要雖兼鄉遂言之而毗之言惜無知貌也豈鄉之賢能可比且其下但言明其有功者屬其地治者則無賓禮獻書可知矣學記古之學者黨有序鄭注謂術當爲遂而周禮州長射于州序黨正飲酒于序則序固州學也鄉飲酒義云主人迎賓于庠門之外鄭注亦曰庠鄉學也州黨曰序王制升選士必於鄉惟不帥教者移之鄉遂使習禮于其學蓋國中致仕大夫士及俊秀子弟皆宅于鄉儀禮士相見禮曰宅者在邦則曰市井之臣在野則曰草茅之臣野雖無定處而載師所住宅田土田皆在近郊之地則知郊遂所居皆毗庶而其學中之人既有自鄉而外移者意所興之毗亦止自遂而內升于鄉耳豈遽足登于天府哉此飲之所以必繫于鄉也然此所言者王畿也諸侯鄉遂制莫能詳費誓稱魯人三郊三遂論語載孔子於鄉黨可見列國亦有鄉與郊遂其鄉之比閭族州黨當亦與畿內相同齊管仲制國郊內五家爲軌軌十爲里里四爲連連十爲鄉是以八千家

爲一鄉郊外三十家爲邑邑十爲卒卒十爲鄉是三千爲一鄉蓋出一時之權制非周公遺法矣儀禮曰鄉飲酒之禮主人就先生而謀賓介鄭注云主人謂諸侯之鄉大夫也先生鄉中致仕者賓介處士賢者下引周禮三物賓與及禮賓之文而曰諸侯之鄉大夫貢士于其君蓋如此云古者年七十致仕老子鄉里大夫名曰父師士名曰少師而教學焉恒知鄉人之賢者故就而謀之賢者爲賓次爲介又次爲衆賓而與之飲酒是亦將獻之以禮禮賓之也則是天子諸侯皆有鄉大夫其禮皆無以異而諸侯歲獻貢士于天子者從可知矣此鄉飲之以尊賢爲主者也至所謂正齒位者周禮黨正國索鬼神而祭祀則以禮會民而飲酒于序以正齒位一命齒於鄉里再命齒於父族三命不齒以建亥之月農畢大蜡之後會於州序而教以尊長養老使知孝弟之道也其禮已亡見于戴記者有曰六十者坐五十者立侍以聽政役所以明尊長也六十者三豆七十者四豆八十者五豆九十者六豆所以明養老也其亦曰鄉者鄭氏謂州黨鄉之屬或則鄉之所居州黨鄉大夫親爲主人故統名于鄉也此鄉飲之以齒爲主者也合而論之行禮之地必於民聚之處欲其觀化故賓與則無論王畿侯國皆在鄉學其人則鄉大夫爲主處士之賢者爲賓介凡飲酒比鄉民雖爲卿大夫必來觀禮故自鄉老鄉先生鄉吏以及國中子弟民庶皆在焉執事者擯相司正樂正衆工下至沃盥其時則三年一舉于正月其儀則迎送揖拜辭讓祭獻酬酢其究尊壺爵解籩俎其物酒牲脯醢其樂鼓瑟則歌鹿鳴四牡皇皇者華

吹笙則歌南陔白華華黍間歌則魚麗由庚嘉魚崇邱南山有臺合樂則周南關雎葛覃卷耳召南鵲巢采芣
采蘋客出奏陔此其大較也唐世貢秀才明經進士每歲仲冬郡縣館監課試其成者長吏令屬僚設賓主州
以刺史爲主人先召鄉致仕有德者謀其賢者爲賓次爲介又次爲衆賓陳俎豆備管絃牲用少牢行饗飲酒
禮歌鹿鳴以饗送之徵耆艾敍少長而觀焉宋明以來謂之鹿鳴宴定沿此制也正齒位之地則州序之外又
有行於太學者在月令曰大飮蒸鄭注云農功旣畢天子諸侯與其羣臣飲酒于太學以正齒位謂之大飮其
禮亡今天子用燕禮郡國以鄉飲酒禮代之其曰祈年祠臘勞農休息卽周禮之蜡祭黨正會民之事也鄭又
謂有牲禮爲俎則東漢明帝永平二年躬帥郡國縣道行鄉飲酒禮于學校者其以此歟其後晉武帝泰始六
年幸辟雍惠帝元康元年皆嘗行之若郡國代以鄉飲酒禮則其人與儀節器物一同於賓興可知特其時爲
每歲十月而所重在尊長養老則坐立之勞佚有等豆之多寡有差耳白虎通曰春夏事急浚井茨牆至有子
使父弟使兄故於十月事暇復長幼之序是亦一道也唐太宗貞觀六年詔錄鄉飲酒禮一卷頒于天下每年
令州縣長官親帥長幼依禮行之其時奉行不力久之視爲具文故開元十八年宣州刺史裴耀卿疏言比來
惟貢舉之日略用其儀閭里之間未通其事而又自言臣在州時率所管遵行歌至白華華黍南陔由庚等章
言孝子養親及物遂性之義或有泣者則知當時猶遵古制矣今見於禮樂志者季冬之月正齒位縣令爲主

人鄉之老人年六十以上有德者一人爲賓次爲介爲三賓爲衆賓如鄉飲酒禮宋太宗淳化三年命有司講求故事命學士承旨蘇易簡等撰樂三十四章鹿鳴六南陔二嘉魚八崇邱二關雉十鵠巢六事不果行紹興十三年詳定規式有主賓僕介三賓分肅賓序賓祭酒主獻賓酬主人酬介介酬衆賓脩爵無算沃洗揚觶拜送凡九事大抵依戴記之文而參酌之慶元中朱子依儀禮以定主賓僕介之位其主州以守縣以令位于東南賓以里居年高及致仕者位于西北僕于州倅縣丞或簿位東北介以次長位西南三賓以賓之次者司正以衆所推服者相以士之嫻於禮儀者當時並遵用之若明洪武所定圖式儀注則在內順天及直隸府州縣在外布政使所屬府州縣俱于每歲孟冬行于學校其主人府則知府州縣則知州知縣賓介位次與慶元同但賓稱大賓而以教職爲司正主揚觶以罰生員爲贊禮耳其老民與會者分爲三等良民年高有德無公私過犯者爲一席坐上等有曾犯公杖及罪惡者最其罪之輕重別爲二等輕者坐中門之外重者坐東門之內執壺供事各用本等之家子弟不許混淆主者不行分別罪以違制本人抗不赴飲及擅有撓越者全家移出化外蓋於養老之中寓旌別淑慝之意故其大誥曰鄉飲酒禮叙長幼論賢良別奸頑異罪人而當時膺選賓介者人皆以爲榮凡此皆正崗位之遺意也二者禮同義別而其所以教讓之意無不同也

擬五音工尺問答

問曰單出曰聲雜比曰音聲者宮商角徵羽也而有重敏經迭柳之異名聲出于喉齶舌齒唇自當以審聲爲主而樂記以配君臣民事物諸書所說又各不同果有常歟五聲非變無以盡其蘊而變止宮徵不及他音何也左傳言七音國語言七律漢志言七始其異名而同實者歟或又以爲和謬者何義有用變徵者何人宇文周龜茲樂始用七調至唐笛色字譜有六穴一合之說由是按宮商者競言工尺矣用之燕樂遼金以來大樂雅樂亦用之蔡元定有燕樂一書其用字配聲及七聲高下四聲二十八調之法詳載宋史雖未必盡合于古而其清濁高下要不越隔八相生之理今習用工尺遂置宮商於不問可乎四聲即四清聲也合正五聲爲九聲即九宮也龜茲舊譜有七聲又有五日何也八音並奏克諧爲樂而琴瑟二器爲清歌所最重累代形制各殊叩彈亦異其絃之應聲合調可具詳歟笙詩有聲無辭說者謂是亡失其詞非本無也補之者何人其臆列以對

答曰不知聲者不可以言音不知音者不可以言樂聲者何宮商角徵羽也爾雅宮謂之重商謂之敏角謂之經徵謂之迭羽謂之柳景純以爲其義未聞蓋別名也樂記以爲君臣民事物白虎通據月令以配土木火金水漢志釋其義曰中曰章曰爛曰祉曰字又有詳其器數者如宮近土填商近金石角近草木徵近絃瑟羽近匏竹宮數八十一商七十二角六十四徵五十四羽四十八夫宮出于喉商出于齶角出于舌徵出于齒羽出

于唇則固以聲爲主其宜致審者獨在清濁聞耳宮聲最濁羽聲最清故曰大不踰宮細不踰羽聲有清濁而調亦隨之高下矣顧有正聲以立其本尤不可無變聲以盡其蘊變獨在宮徵者角與徵隔仲呂蕤賓二律故近徵一聲以收之爲變徵羽與宮隔無射應鍾二律故近宮一聲以收之爲變宮至宮商羽皆止隔一律遠變而近不變也淮南子謂之和謬宮生徵徵生商商生羽羽生角角生應鍾比于正音故爲和應鍾生蕤賓不比于正音故爲謬此七音者左氏已嘗言之國語之七律漢志之七始皆謂此也其以之入樂則六國時荆軻寔始歌變徵至宇文周龜茲樂始用七調唐時婆羅門曲起工字至尺字於是工尺等字色起焉蓋工凡六四乙尺此六字本皆簫笛孔穴數目名曰六穴又有上字在乙尺之間合六凡爲低上字合乙凡爲高什字名曰一合今所傳唐樂箏字譜是也當時燕樂用之遼金以來大樂雅樂亦用之宋史載蔡元定燕樂云黃鍾用合字大呂太簇用四字夾鍾姑洗用一字夷則南呂用工字無射應鍾用凡字各以上下分爲清濁其中呂蕤賓林鍾不可以上下分中呂用上与蕤賓用勾字林鍾用凡字其帶鍾清用六字大呂太簇夾鍾清各用五字而下上緊別之緊五者夾鍾清聲取以爲宮此其取律寸律數用字配聲之略也又有一宮二商三角四變爲宮五徵六羽七間爲角五聲之前與雅樂同惟變徵於十二律中陰陽易位故謂之變變宮以七聲所不及取間餘之義故謂之間四變居宮商之對故爲宮以間加變故間爲角而實非正角此七聲高下之略也宮聲七調

皆生于黃鍾商聲七調皆生于太簇羽聲七調皆生于南呂角聲七調皆生于應鍾合之得四聲二十八調文獻通考謂元定燕樂所言其律本出于夾鍾以十二律兼樂二律以下故無正黃鍾聲夫黃鍾爲萬事根本言樂而不以黃鍾爲本則樂之原已失觀元定律呂新書爲朱子所推重而元初劉秉忠許衡欲以之定元樂訖無一合者則燕樂又何論乎樂家之聲自一至五爲宮商角徵羽自六至九爲宮清爲商清角清徵清即九宮也舊有五旦爲五清今止用四清者羽聲至高不能上遂故清聲止有四也如笛色四上尺工六五字之外又有高四高上高尺高工四高字而無高六是無羽之清聲也簫穴爲四乙上尺六而第八聲爲高四第九聲爲高乙推之上工尺亦然正之生清達七得八清之生正際七得八此即娶妻生子之法也夫工尺等字不外五音二變如宮調宮之宮角商宮羽徵變宮在商下變徵在羽下其尺上四六工即乙字在上下凡字在六下推之宮之商宮之角宮之徵並然時調五六工尺上四合合字音之終而即以生五回轉迭速循環不已非又三分損益隔八相生之道乎以黃鍾生大呂至半大呂而又生黃鍾推之則第八聲即第一聲可以見工尺宮商名雖異而定則同習工尺而不習宮商非所以避俗趨雅也若音之有八金石草木皆一考一擊絲竹匏土皆以圓轉而還其聲匏土又寄聲于竹而穴吹無形絲彈有象故琴瑟二器爲清歌所最重琴有大琴爾雅所謂灑又有中琴小琴雅琴頌琴瑟亦有大瑟中瑟小瑟雅瑟頌瑟陳氏樂書曰八音以絲爲君絲以琴爲主琴以

中師爲君琴之絃七第一絃與第六絃合第二絃與第七絃合其七聲圓轉在徵削之間瑟二十五絃中界一黃絃以內十二爲正聲外十二爲副聲即內十二絃中爲十二律之所相準者取歌者之口聲與瑟之器色聲就其短長高下圓轉相生而審量之至第八聲與第一聲輕重相齊所謂復還其始也續文獻通考曰瑟絃與琴聲異者琴以暉爲十二律絃爲七聲每一聲中十二律故絃止於七瑟絃每一絃爲一律與鐘磬之律同漢制七均琴有六十聲五均瑟有五十聲皆取五聲圓轉元作苗蘭瑟以九聲爲圓轉明代中調瑟右手彈中左手彈外外交彈聲短于律手煩于聲何如取十三聲爲一周而以第八聲爲圓轉生聲之爲得也笙詩六首朱子以爲有聲無辭鄭夾際亦云當時皆無辭故譜籍不傳夫有辭斯有義而陔白華其義具存何以無辭鄭康成謂遭秦之世而亡之其說確不可易但晉束皙所補祇依古詩體則未諳音律不可以入樂也

養老考

王制凡養老有虞氏以燕禮夏后氏以饗禮殷人以食禮周人收而兼用之陳氏禮書曰行葦言飲射而繼之以祈黃耆此周人以燕禮養老也周官外饗言饗耆老此周人以饗禮養老也祭儀曰食三老五更于太學此周人以食禮養老也三老之名見於左傳五更蔡邕以爲更即變也舊說紛紜均無足取要之不離乎尙齒者是古者養老以八月諸物老成順其時氣以助養育長幼之序明揖讓之風盛矣後世巡省風俗先存問高年

時臨舊郡乃宴衍故老或賜飲於端闕或週與於私室又因靈休之集加禮之成而錫以鳩杖資以束帛賜爵益封此皆介于景福終之以仁者也其養老之地虞氏養國老於上庠養庶老于下庠夏養國老於東序養庶老於西序殷則右學左學周則東膠虞庠其時人知孝弟老窮不遺洵盛王之令典矣漢以來引年之舉史不絕書有賜物者漢文帝元年詔有司凡縣道年八十以上賜米人月一石肉三十斤酒五升九十以上人賜帛二疋絮三斤其後武帝元狩元年賜天下民年九十以上帛二疋絮三斤九十以上米人三石東漢明帝永平二年賜天下三老酒人一石肉四十斤順帝陽嘉三年桓帝建和二年以至唐宋皆間行之有專賜帛者起漢武元封元年登封泰山還詔行巡所至七十以上帛人二疋其後宣帝元康元二年以鳳凰甘露賜高年帛神爵五鳳甘露等年無歲不有元成以後迄□亦然此皆恩賜也晉以後亦沿爲常例焉有賜爵者漢武建元之初不過復二等復甲辛而已東漢明帝永平三年始有賜三老爵三級之制至十二年十七年連賜天下三老人爵三級建初以後似此不可枚舉後魏太和十七年詔維懷并泗四州民百齡以上做縣令九十以上賜爵三級八十二級七十一級至二十一年雍州士民百年以上有假華郡大守者益加隆矣然優老之禮尤以燕老爲重陸氏所謂養莫善於燕是也辟雍養老漢魏雖嘗行之然父事兄事不可爲典要且徒具文而罕實惠考後魏文成和平四年賜京師民年七十以上大官府食以終其年考太和元年宴京邑耆老年七十以上者

于太華殿賜以衣服二十年宴群臣國老庶老于華林園各賜鳩杖衣裳此闕庭賜宴之始也隋開皇七年幸蒲州宴父老大業五年宴耆舊四百人於武德殿賜有善唐武德二年幸稷州召父老置酒高會賜帛五年宴京城父老賜帛貞觀六年宴岐州父老十一年正月宴長安父老於元武門賜以穀帛三月幸洛陽宮宴父老于乾元殿賜以粟帛十二年二月宴雒陽父老十五年宴并州父老于武安殿仍各賜物十八年正月宴雒陽父老十一月宴雒州父老一百九十人于儀鸞殿高宗咸亨元年將幸東都宴京城父老不能行者仍許子弟扶至殿庭賜物及黃陂而遺之元宗開元二年引京師侍老宴于含元殿宋咸平四年御五鳳樓觀酺詔父老五百人賜飲樓下祥符元年御乾元門觀酺詔父老五百人衣服茶綵十月宴太山父老于殿門明洪武中初詔諸耆老謁見崑山周壽誼居首年一百十六賜宴及鈔幣天順中召京師人百四歲茹大中見使殿賜宴蓋自歷代以來宴老之舉炳書史版而要未有黃髮台背扶杖偕來至三千人之衆也方今 古稀天子在上登斯民于 仁壽五十年春敬繩 祖武懋舉 耆筵其自年六十以上至百有餘歲者凡三千鳩杖詔幣 錫資有差且 御製天章以寵之而直省太史以年踰百齡請 旨予旌者史不勝書猗歟盛哉直超唐虞三代而上之矣

周年世致上朱中丞

廣業耳食未學竊嘗分寸億度編次孟子衆事己酉八月攜謁 大中丞少宰朱公於杭州使院敬求削正今

年九月幾望 公從京師屬其門下士蘇琳寄還原稿賜序稠疊重拜展讀前序獎借太過愧不敢當後序鉅

手親製首揭本書由孔子而來至於今百有餘歲由周而來七百有餘歲參攷史傳推校先後而謂論世當以

此爲據夫欲知孟子之世則是二言者誠鐵案也卓識偉論遠啟蓬心不意洪鐘巨響乃肯爲寸建發之感激

之私豈直仰嘆終日怡懌悅服而已惟是周室記年動多錯午素不諳推算於超辰積紀之術茫然是以略遠

就近今由 公之言思之論孟子世者必兼綜核周之年數周之年數不明則孟子之世未可得而定也諸書

紀述長短不齊今以孟子去齊時自言由周以來七百餘歲參校之其得失略可攷見史周本紀夷王以上無

年正義引帝王世紀夷王十六年厲王三十七合共和十四爲五十一年宣四十六幽十一紀無崩年此據年表集解引汲冢紀年曰

自武王滅殷至幽王凡二百五十七年也又平王五十一年桓二十三莊十五釐五惠二十五襄三十三頃六

匡六定二十一簡十四靈二十七景二十五紀無崩年據年表敬四十二集解肅謂禮曰四十四年表四十三元八定二十八竹書作貞定

考十五威烈二十四安二十六烈十顯四十八慎觀六赧五十九年爲秦所滅逆數至平王元共五百十七年

合紀年所云當七百七十三年春秋盡哀十四年凡二百四十二年又云周三十六王八百六十七歲漢書律

歷志載劉歆三統志云周昭王以下亡年數故據周公伯禽以下爲紀伯禽至春秋三百八十六年桓公元年

上距伐紂四百歲十二諸侯年表起共和元庚申訖敬四十二年甲子徐廣曰凡三百六十五年六國表起元王元乙丑至赧五十九乙巳其序云元王迄秦二世二百七十年今除秦四十九年實二百二十一年兩共五百八十六年逸周書紀文王之年自小開解維三十有五祀之後繼以文傳解首稱文王受命之九年時維莫春在鄭召太子發其下柔武解維王元祀即文王卒之明年春也大開武解維王一祀小開武解維王三祀實典解維王三祀此下直至大酈謀二解俱云匡文 二解始云惟十有三祀其後武傲解惟十有二祀中有立後解屬小子誦之文下接五權解惟王不佞伏生書傳云文王受命一年質虞芮之訟二年伐邗至七年時文王正義史記周本紀詩人道西伯蓋受命之年稱王而斷虞芮之訟後十年而崩自後劉歆班固賈逵馬融王肅韋昭皇甫謐皆主九年之說故漢書律歷志春秋歷周文王四十二年十二月丁丑朔旦冬至孟統之二會首也後八歲而武王伐紂帝王世紀云文王即位四十二年歲在鶉火於是更為受命元年始稱王孔穎達詩文王正義云文王九十七而終終時受命九年受命之元年年八十九其時即諸侯位已四十二年矣故以四十二年合史記十年遠得五十二年然不為諸家所取鄭康成主七年之說尙書洛誥注云文王得赤雀武王俯取白魚皆七年是也逸周書克殷解周車三百五十乘陳于牧野帝辛從注云十三年正月此武王即位改元之明文而諸說尙書泰誓序十有一年洪範十有三年者皆連文王數之文王世子武王九十三而終成王尙幼

不能踐阼漢律歷志云文王十五而生武王受命九年而崩崩後四年而武王克殷之歲八十六矣後七歲而崩據之則成王及邗晉應韓皆武王克殷後所生若依竹書武王年五十四陟則是文王嘉止而娶太姬生伯邑考之後直至五十餘歲始生武王以下十子矣是皆不可臆說者其崩年封禪書誤讀金縢遂云武王克殷二年天下未寧而崩無足深論竹書帝辛四十二年庚辰爲武王嗣位元年五十二年庚寅伐殷周武王十二年辛卯敗殷姆野十七年陟劉歆三統歷以爲即位十一年是則文武享祚之年已自紛歧矣至其有天下之年以歲星言之周語伶州鳩曰武王伐殷歲在鶉火韋昭注武王始發師東行日殷之十一月二十八日戊子歲星在張十三度又云鶉火午也歲星十二歲而周天見史天在四仲歲經三宿在四孟四季歲行二宿二十八六三四十二而行二十八宿十二歲而周天說與太歲同漢志載三統上元至伐紂之歲十四萬二千一百九歲歲在鶉火張十三度文王受命九年而崩崩後四年武王克殷凡十三年歲亦在鶉火故傳曰歲在鶉火則我有周之分野也天官書歲陰左行歲星右轉作鄂歲歲陰在酉星居午則皇甫謐以爲乙酉似矣左傳昭九年鄭裨竈言五年陳將復封封後五十二年歲五及鶉火而亡杜預注是歲歲在星紀五歲及大梁自大梁四歲及鶉火四周四十八歲凡五及鶉火星紀午之次以大官書攝提格歲歲陰在寅星居丑計之昭九年當爲丙寅十三年庚午歲在大梁十六年癸酉二十八年乙酉定八年丁酉哀五年己酉十七年辛酉歲

皆在鶉火杜氏與皇甫乙酉之說合而史記竹書丙寅在昭七年則癸酉當為辛未以下諸酉皆為未矣與天

官書杜氏皆不合史記十二諸侯年表昭十六年常周景王之十九年徐廣引皇甫謐曰敬王元己卯周本紀集解

逆推至景十九年當為壬申而廣宏明集引陶隱居年紀楊玠史目敬王之前尚有悼哀思三王共立一年并

此年數之則正為癸酉但帝王世紀已逸不知果何如也竹書總計西周年曰武王滅殷歲在庚寅至幽王

庚午共二百八十一年周本紀毅幽王下集解引汲冢紀年曰自武王滅殷至幽王凡二百五十七年也此少二十四年今據諸王歷合之其數適符蓋

武王滅殷後七年而陟成王三十七年康王二十六年昭王十九穆王五十五共王十二懿王二十五孝王九

夷王八厲王二十六宣王四十六幽王十一合之得此數又竹書起平王元年辛未五十一年崩而史記集解

引汲冢紀年曰自武王滅殷至幽王凡二百五十七年見周本紀桓王二十三莊王十五釐王五惠王二十五襄

王二十三頃王六匡王六定王二十一簡王十四靈王二十七景王二十五敬王四十四元王七貞定王二十

八考王十五威烈王二十四安王二十六烈王七顯王四十八慎觀王六終於隱王十六年壬戌得四百七十

二年自武王至此共七百五十三年隱王五十九年乙巳為秦所滅又加四十二年當七百九十五年史記周

本紀夷王以上無年不可臆說正義引帝王世紀夷王厲三十七年合共和十四為五十一二十五年襄三

十二年少一敬四十二少二年元八多一年烈十多三

餘並同竹書十二諸侯年表起共和元庚申訖敬王四十三甲子與竹書同惟敬王少一年徐廣曰凡三百六十五年六

國表起元王元徐廣曰元乙丑歲甫曰元至赧王五十九徐廣曰乙巳崩據徐氏干支亦同竹書六國表序云元王

迄秦二世二百七十年今除秦四十九年實得二百二十一年兩共五百八十六年漢書律歷志則云周昭王

以下亡年數故據周公伯禽以下為紀伯禽至春秋三百八十六年桓公元年上距伐紂四百歲案伯禽受封

于成王元年其前武王七年周公攝政七年凡十四年志據所推魯歷伯禽四十六年考公四煬六十志據世家

即位六十年今史記魯世家作六年是脫十字幽十四微五十厲三十七獻五十世家三慎二十武二世家九懿九伯御十一孝二

十七惠四十六隱十一此除春秋隱十一年却四百歲如世家年表止三百八十九年春秋除隱十一年常二

百三十一加哀後十三年在位二悼三十七六國表三十八年世家徐廣引皇元二十一穆三十三六國

一恭二十二表二康九表景二十九表平二十表十九世湣公世家二十三頃十八年秦滅周凡二百二

十五年表多二年春秋盡哀十四年凡二百四十二年又云周三十六王八百六十七歲左傳宣

三年王孫滿曰成王定鼎于郊鄆卜世三十卜年七百正義律歷志云周三十六王八百六十七年年過卜數

也續漢律歷志延光論歷譏劉歆橫斷年數損夏益周考之表記差謬數百殆謂是歟四分歷謂漢興元年已未又上二百七十五歲

亦止多一年為八百四十四年庚申孔子獲麟內除秦四十九年然其所以參差不齊皆由昭王以下夷王以上亡年數故也至昭王諸書俱

云十九年而陶家景刀劍錄稱有五十二年常有字誤又廣宏明集載齊釋統上答高麗使云周第五主昭王

二十四年甲寅依竹書是年爲昭十五年疑二字衍而四五字互異也又引年紀史目稱懿王治三年元王治

八年貞王即懿治八年悼哀思共一年彼此增損視竹書少二十年說雖不同要之周無八百六十七歲也皇

甫諡言武王乙酉定位先于竹書僅五年而敬王元己卯又後于竹書壬午三年何亦云周三十七王視漢志多一王

八百六十七歲與漢志同耶皇甫諡見周本紀集解皇極經世通鑑前編俱以武王克商爲十三年己卯十九年崩增益

昭孝夷厲之年昭五十一孝十五夷十六厲合共和又五十一自武己卯至幽己三百五十二年歷平至赧五

百七年合二周凡閱十四己卯計八百五十八年視漢志僅少九年視竹書已多六十三年視紀年多八十七

年其夷王年用世紀厲王年用史記自餘年數在漢已云亡失果何所依據而斷也然竹書紀年皆出于汲冢

斷爛失次今文較綴亦難盡信詩文王正義曰鄭氏依書傳說文王受命七年故史記爲故洛誥注云文王得

赤雀尙書連授期引河圖曰倉帝之治八百二十歲立戊午部注云周文王以戊午部二十九年受命是類謀

注亦云是年赤雀啣丹書而命之鄭知然者易乾鑿度云入戊午部二十九年伐崇作靈臺又云亡殷者紂黑

期火戊倉精授汝位正昌汝云火戊戊午部也午爲火必言火戊者木精將王火爲之相戊土也爲火子又火

使其子爲己遷水明倉精絕般之象是言文王受命在戊午部之意受命之月是季秋至明年乃改元故書序

惟十有一年注云是年入戊午部四十歲矣鄭以受命元年爲入戊午部三十年故改至十年爲四十也以歷

校之入戊午部二十九年歲在戊午其年殷九月二十五日得甲子明年乃改元則元年歲在己未至十三年

在辛未其年正月六日得甲子譜云以歷校之文王受命十三年辛未之歲殷正月六日殺紂今鄭詩譜無此文歐陽修作補

亡亦失載友人吳憲新刻歐譜探入拾遺是得赤雀之命後年改元之驗也又按乾鑿度歷元名握先紀日甲子歲甲寅又曰今入

天元二百七十五萬九千二百八十歲昌以西伯受命注云受洛書之命爲天子以歷法實常云二百八十五

歲此略其殘數也知者三統歷七十六歲爲一部二十部爲一紀積一千五百二十歲特未推是年太歲所在

耳惟詩文王篇正義載鄭康成說最詳凡紀首皆歲甲寅日甲子即以甲子日爲初部名甲子部滿七十六歲

其後年初日次癸卯爲癸卯部從此壬午辛酉至乙酉計二十部爲一紀之數終而復始今乾鑿度入天元二

百七十五萬九千二百八十歲以一紀之法除之一千五百二十歲得一千八百一十五紀餘四百八十歲即

入後紀之年其初年還歲甲寅日甲子以甲子癸卯壬午辛酉庚子己卯等六部除之餘二十四年即入戊午

部二十四年矣更加五年爲二十九年受赤雀之命若推太歲即以六十除積年其受命之年太歲在戊午又

案三統之術魯隱公元年歲在己未其前惠公末年歲在戊午史年表甲寅當惠四十二年則四十六年爲戊午徐廣曰春秋隱元年歲在己未是也

計文王受命是戊午至惠公末年又值戊午當三百六十年鄭注雒師謀數文王受命至魯公末年三百六十

五歲者誤加五字也史年表哀十二年戊午逆推至昭九年爲五十三年故神龜言五十二年陳遂亡歲五及

鶉火而後陳卒亡據此則合春秋二百四十二年史表二百二十四年起敬四十九寔八百二十六年河圖

所以整言八百二十也與隋書崔仲方傳上書文帝論取陳之策云今開皇六年歲次景午因引左傳神龜之

言而釋之曰鶉火之歲陳族再亡戊午之年鶉火運盡又云午爲鶉首甲爲實沈酉爲大梁並是數

極陳滅不疑據此則陳亡在戊午與孔氏所說周受命之年正同又宋書禮志云古尙書武王崩成王年十三

推武王以庚辰歲崩周公以壬午歲出居東癸未歲反庚辰去戊午二十三年年雖小異而與竹書絕不同載

籍極博必考信於六藝詩書與春秋內外傳皆經也依傳當爲酉而康成經師宿儒以緯書推步最優特取以

譜詩注書穎達復博引以暢其旨宜足傳信而史家不之遵用所不可解雖然嘗聞之矣羣言淆亂衷諸聖孟

子亞聖也其言著蔡也故凡論有周歷年與七百餘歲相符者要爲近是况周之名始於文王大雅文王篇周

雖舊邦其命維新詩序亦云文王受命作周也且自文王戊午受命至靈王庚戌孔子生凡五百三十二年孔

子嘗言文王既沒文不在茲乎是由文王至孔子五百餘歲聞而知之也又七十三年敬王壬戌孔子卒又九

十五年安王丙申而孟子生其曰由孔子而來至於今必在私淑願學之日是百有餘歲也孟子卒赧王之世

距周亡祇數十年又安得八百八九十歲乎若依漢志魯桓元年上距武王伐紂四百歲越一百六十一年至

襄公二十二年孔子生已五百六十一歲再逆推至文王在位開知之年直六百餘歲矣下距孟子去齊之年當云八百餘歲而豈然哉至燕噲及子之死六國表亦在報王丁未惟魏哀王五年與竹書今王七年異耳是年齊湣王十年表不書伐燕而孟子勝燕取燕皆宣王事則竹書之文正恐衛恆束哲輩據史表相綴繫也史表最誤者以孟子來繁於惠王三十五年夫孔子言苟有用我三年有成而所至卒未嘗有三年之淹孟子亦言大國五年小國七年必爲政於天下然雖足用爲善如齊王猶不可以久據通鑑孟子乃在梁十八年必無是理益以見本書爲據 公言爲確不可易也 公又以描述兼考時地因縷敘今所歷道里證魯僂境寔不過方二百十里有餘其初封方百里而贏嚴業謹案孟子所居之國易考其地難知何也去籍以後凡土三等皆違舊制而謀士方以辟土任地爲能故孟子斥爲民賊僂以服刑而言地必以里計公侯百里伯七十里男五十周初千八百諸侯之地也海內方九千里七國諸侯王之地也齊魯始皆百里時則齊過千里魯方百里者五矣宋滕皆名小國而滕絕長補短僅五十里齊梁本皆大國而梁所喪于秦者且七百里王制云方百里者爲方十里者百鄭注一里三十步又云古者以周尺八寸爲步今以周尺六尺四寸爲步古者百里當今百二十一里六十步四尺二寸二分鄭注周尺之數未詳開也按禮制周猶以十寸爲尺蓋六國時多變亂法度或言周尺八寸則步更爲八八六十四寸以此計之古者百里當今百二十五里如鄭所說則當日之千里實